

igkeit sol kein ende haben / Dis ist / die ewige
Gerechtigkeit / danon auch Daniel sagt 9.
Siebentzig Wochen sind bestimmet / das die
Ewige gerechtigkeit kome. Vnd ist Messias /
wie es alle alten Ebrei verstanden haben. E-
wige gerechtigkeit aber / vnd Weil / kan kein
schlechter Mensch noch Engel sein / Sondern
mus Gott selber sein / vnd doch Davids Son
natürlicher Mensch / vnd ein ander Person /
von dem / der von jm redet / vñ in nennet / mein
Weil / meine Gerechtigkeit / Die dritte Person
ist der Weilige geist / der solchs redet von den
beiden / Also nennet in das newe Testament
auch 1. Corint. 1. Ihesus Christus ist vns von
Gott worden eine Weisheit / Gerechtigkeit /
Weiligung vnd Erlösung / Das reimet sich
mit Isai / vnd Isai mit Paulo.

Item Isai 60. Die Sonne sol dir nicht
mehr des Tages scheinen / vnd der Glantz
des Monden sol dir nicht Leuchten / Son-
dern der **HE** wird dir ein ewiges Liecht
sein / vnd dein Gott wird deine Herrlichkeit
sein / Deine Sonne wird nicht mehr vnter ge-
hen / vnd dein Mond wird nicht mehr den
Schein verlieren / Denn der **HE** wird dir
ein Ewiges Liecht sein / vnd die tage deines
Leides sollen ein ende haben. Die stehet klar /
das vnser Ewiges liecht solle der **HE** vñ
vnser Gott selbs sein / Vnd redet ein **HE**

S ij von